



Ana nkumanyilila yawechete Mlungu jwenu? wakulijignya wa Mtume watite: Mlungu ni Mtume jwakwe ni wakumanyilila.Mtume ni jwatite kuti: " Mwa achikapolo wangu, pana wane wakwachelele ali wakulupilila mwa une, ni pana wane ali wakanila,

Ngani jikupitila kwa Zaid mwanache jwa Khalid Al-juhainiy -Mlungu asangalale nawo-watite kuti: Mtume -chanasa ni utendele wa Mlungu ijaule kwa Mtumejo-watuswalisye chipindi chaku ndawi(Subhi) pa malo gakolanjidwa Al-Hudaibiya panyuma pakuti chilo chakwe kwagwile ula. Ni Mtume pawamasile kuswalisya wagalauchile wandu ni watite kuti : "Ana nkumanyilila yawechete Mlungu jwenu? wakulijignya wa Mtume watite: Mlungu ni Mtume jwakwe ni wakumanyilila.Mtume ni jwatite kuti: " Mwa achikapolo wangu, pana wane wakwachelele ali wakulupilila mwa une, ni pana wane ali wakanila, kwa mundu jwatajile kuti: ula jitugwilile ligongo lya umbone wa Mlungu ni chanasa chakwe, jwele ni jwali jwakulupilila mwa une jwakanila mu ndondwa. Nambo mundu jwatawechete kuti: ula jigwile mtande wa ndondwa janti, ni janti, jwele ni jwali jwakanila mwa une, jwakulupilila mu ndondwa".

[صحيح] [متفق عليه]

Mtume-chanasa ni utendele wa Mlungu iwe pa Mtumejo-waswasile chipindi cha kundawi(Subhi) pa Hudaibiya-Hudaibiya, wele ni musu wauwandikene ni ku Makkah, panyuma pakuti chilo chakwe kwagwile ula. Pa nyuma pawamalisysye Mtume kuswali nikutenda Salam, wagalauchile kwa wandu ni ngope jakwe, ni wausisye kuti: ana myimanyi yawechete mbuje gwenu Mlungu? Ni wakulijiganya wa Mtume wamjanjile Mtumejo kuti: Mlungu ni Mtume jwakwe ni wakumanyilila. Mtume ni jwawechete kuti: Nditu Mlungu akuwecheta kuti pa nyuma pakugwa ula, wandu akusagawikana makuga (magulu) gawili: likuga (gulu) jikusawa jakulupilila mwa Mlungu, ni likuga (gulu) jikusawa jakanila mwa Mlungu; Kwa mundu jumpaka awechete kuti: Jitutuluchile ula ligongo lya umbone wa Mlungu ni chanasa chakwe, nikulupilila kuti ulajo agwisysye Mlungu; jwele mundujo ni jwali jwakulupilila mwa Mlungu, nkugumba ni mkwendesya kalikose pa chilambo, jwakujikanila ndondwa. Sambano, kwa mundu jwatawechete kuti: Jitutuluchile ula ligongo lya ndondo janti ni janti ; mundu jwele ni jwakanila mwa Mlungu,jwakulupilila mu ndondwa, kulupilila chanti myo,uwele mtundu wa mwana wakanila mwa Mlungu, ligongo akulupilile kuti ndondwa ni jitendekasisye kuti ula jigwe; ligongo Mlungu nganijitenda ndondwa kuwa ligongo lyakugwila ula pa malamusi namtamuno kalinganye kakwe ka indu Mlungujo. Sambano, kwa mundu jutakulupilile kuti kugwa kwaulani yailiyose yakutendekwa pa chilambo, sawu kwenda kwa ndondwa

kutyochela malo sisakopochelaga ,kugwa kwa ndondwa, ni kulupililaga kuti ndondwasyo sisatendaga yeleyo mwajikape (pangawaga mu machili ni lisosa Iya Mlungu), mundu jwele nikuti jwakanila mwa Mlungu kanila kwakukulungwa.

<https://sunnah.global/hadeeth/yao/show/65010>

النجاة الخيرية
ALNAJAT CHARITY

